


საბჭოთა კავშირი

33
1920/09

ფასი 6 მ
თბილისი
გეორგიული



ახალი „პრიბაუკა“



№
11

1920 წ.
თებერლის 1



მ. ფიციანი

ვაკარი. კიდევ ახალი „პრიბაუკა“ მოგვივიდა... 60 პროცენტი მოუმატ

ზე! აბა, ჩქარა

1952

ხონთქარი და ლენინი, ანუ კვერცხების გაიაფება.




რუსეთში რომ განამტკიცა ბოლშევიკური სოციალიზმი, ლენინმა მიმართა დასავლეთ ევროპის პროლეტარიატს:

— ამხანაგო პროლეტარებო! წითელ რუსეთში ძღვევა მოსილად გაისმის სამოქალაქო ომის გამწმენდელი ცეცხლის შეუწყნარებელი გუგუნი! ბურჟუაზია და ინტელიგენცია ჰაერში დავკადეთ ძეხვებივით!.. მოღალატე მენშევიკები და ესერები ოთხში ამოვიღეთ!.. უჩ გლეხკაცობას და აჯანყებულ სოფლებს ზარბაზნები დავუშინეთ!.. ჩვენ შევასრულეთ ჩვენი ვალი! ეხლა საქმე თქვენზეა, ამდანაგებო! ჩვენი მაგალითი თქვენ თვალწინ არის გადაშლილი! შემოიღეთ ასეთი წესები ევროპაში, ხდამყარეთ სოციალიზმი!



ევროპის პროლეტარიატი ვერ აღმოჩნდა ბალშევიკური სოციალიზმისათვის მომზადებული და ლენინის მოწოდებამ არ გასჭრა მათზე. მაშინ შეიკრიბა საბჭოთა მთავრობა და დაადგინა:

— ვინაიდან დასავლეთი ქვეყნები და იქაური რეჟიმები ინპერიალისტური სულისკვეთებით არიან გარყვნილნი და ჯერ-ჯერობით ვერ არიან მომზადებულნი სოციალიზმის შესაფერისებლად, ზურგი შევაქციოთ მათ და მივმართოთ აღმოსავლეთს, შევეკრათ მკიდრო კავშირი ოსმალეთის სოციალისტურ მთავრობასთან—ხონთქართან და ფაშებთან—მივიღოთ მაჰმადის რჯული და გავატაროთ ჩვენი აზრები საზუსტიმანო ქვეყნებში. ამ მიზნისთვის უპირველეს ყოვლისა ვაფრინოთ შიკრიკი სულთანთან, რათა მან გამოგვიგზავნოს ინსტრუქტორები თავიანთი ხოჯებთან და მოლები და მივიღოთ ნათელი ისლამისა!



ეს დადგენილება დაუყონებლივ შეასრულეს და აფრინეს ხონთქრის ჯარის წინაშე შიკრიკი.




ინსტრუქტორები მოვიდნენ ოსკოვს და წარსდგენ საბჭოთა მთავრობის წინაშე. კომისარებმა მუხლი მოიდრიკეს და მიესალმენ:—სალამი თქვენდა, დიდებულო მოციქულნო სოციალიზმისაო!



ინსტრუქტორები შეუდგენ რუსეთის გამაჰმადიანებას. ჯერ ლენინიდან დაიწყეს. უპირველეს ყოვლისა საჭირო იყო წინადაცვეთის წესის შესრულება. ლენინი, უღრტვინველად მოემზადა წინადაცვეთისათვის.



ხუთჯერ დღეში, შემდგომად წმინდა რჯულისამებრ განბანისა, მექისავენ პირშეკცეული სახალხო კომისარები მხურვალე ლოცვას აღავლენდენ ალლაჰისადმი სოციალიზმის დამყარებისათვის.



სახალხო კომისარები იძულებული გახდნენ შემოეღოთ მაჰდმადის წესისამებრ პარამხანები, დაეტბოდ თვალნი შიშველ ბანოვანთა ცქერით, ხოლო ყურნი დაირისა და სხვა საკრავთა ხმებით.



ივანე დიდის სამრეკლო მინარეთად გადააქციეს, მაცხოვრის ტაძარი, ვნების მონასტე-

რი და სხვა საყდრები მკითხვად გადააკეთეს და ნაცვლად ჯვრებისა ახალი მთვარეებით დაამშვენეს მათი გუმბათები.



შემდეგ გამოსცეს ფიცხელი დეკრეტი, რათა მთელ საბჭოთა რუსეთს დაუყონებლივ მიეღო მაკმადის რჯული, რომელიც გვიანლოვებს სოციალიზმს.




გამაჰმადიანებული რუსეთის გლეხკაცობა წარსდგა ლენინის წინაშე და მოახსენა:

— თვალო ოტარიდისაო! ჩრდილი შენი ჰფარავს კილით ჩიდემდე მაჰმადიან რუსეთის თვალო უწვდენელ სივრცეს, მაგრამ ქვეშევრდომნი შენნი იხოცებიან სიმშობისაგან! განავრცე წყალობა შენი ხალხთა ზედა შენთა ერთგულთა და მიეც მათ პური სადიდებლად ალლაჰისა და წინასწარმეტყველთა მისთა ლენინისა და მაჰმადისა!

ლენინმა უპასუხა:

— ნაშობნო უგუნურებისანო! ნუ უკვე არა უწყითა, რამეთუ ამ ქაჰად მარხვა არს დიდისა წინასწარმეტყველისა ჩვენისა, და მარხვასა ამას ეწოდების რამაზანი, და ქვეშევრდომთა ჩემთა არა აქვთ ნება სჰამონ პური არცა დღისით და არც ღამით! განვედით ამიერ და განმერინენით და არა

გაპბეღოთ შექედომაღ ამისა აკვლოვ მოთხოვა ჰურისა, რომელი არს საქამად გიაურთა, არა თუ მართლ=
მორწმუნე მაჰმადიანთა!



როდესაც მთელი რუსეთის ხალხი გამაჰმადიანდა, ლენინმა გააბა პირდაპირი მავთული ხონტქარ-
თან და გამართა მასთან მოლაპარაკება. ქვეყნის მმართველები ერთმანერთს ძობით მიმართავენ ხოლ-
მე: mon frère!—ჩემო ძმაო, ო! მალურათ კი—ყარდაშ...

ლენინი: სალამ ალეიქუმ, ყარდაშ!


ხონტქარი: ალეიქუმ სალამ, ყარდაშ!

ლენინი: უაღრესი სიხარულით მოგახსენებ, რომ ამ ჟამად მთელი რუსეთი მაჰმადის რჯულს
აღიარებს. ნება მიბოძე, გეახლო შენ, ნაცვალო მაჰმადისაო, რათა შენთან ერთად გავამტკიცოთ
ქვეყანაზე იდეა მუსლიმანურის სოციალიზმისა და წავლევოთ და ამოვფლიტოთ ურწმუნო გიაურები!

ხონტქარი: მობრძანდი, ჩემო ერთგულო მეგობარო! ჩ მი კედლები განზე გაიწვეს, ჰერი ავა
ღრუბელებამდა. შენისთანა სტუჰარი—ბედნიერებაა მართლმორწმუნე მასპინძლისათვის!



ლინინმა რაამზადა ოსმალურ ენაზე დაწერილი პროკლამაციები და გავმგზავრა ხონტქართან.



ლენინი წარსდგა ხონტქრის წინაშე, სალამი მისცა მას და სთხოვა გაეცნო მისთვის და მის ამ-
ხანაგებისთვის ოსმალეთის ცხოვრება.



ხონტქარმა უპირველეს ყოვლისა ოსმალეთის საპყრობილედ აჩვენა.



— აი, ასე ვსჯით ჩვენ ხონტქრის ორგულთა და მოლაღატეთა, — უთხრა მან ლენინს.

ლენინი კი იცინის, იცინის კვდება სიცილით.

— რას იცინი? — მრისხანეთ ჰკითხა ხონტქარმა.



— მე იმას ვაძინი, — უბასუხა ლენინმა — რომ თქვენი წესები მოლაღატეების დასჯისა მებრძოლ სასაცილოა... ნება მიბოძე, ჰოი წყარო სიბრძნისაო, მეც გაჩვენო, სურათები სოციალისტურ რუსეთის სინამდვილისა.



და მან გ. დაუშალა თვალ-წინ ბონტკარს საუცხოვო სურათები სოციალისტურ რუსეთის მშვიდობიან ცხოვრებისა.



საბჭოთა რუსეთის ცხოვრების სურათები რომ იხილა, ხონთქარს გული საშინელი შური აფე-
სო, მისი შუბლი მოიღრუბლა, წარბები შეეკრა და თვალთაგან ნაპერწკლები გაჰყარა.
— შეიპყარით კადნიერი ესე და ამხანაგნი მისნი და დასაჭურისეთ ეხლავე—ბრძანა მან.



და აჰა, შეიპყრეს იგი და მასთან მოწაფენი მისნი და დაუჭირეს მათ თაფნი და ტანნი და შე-
უდგნენ დასაჭურისებასა მათსა.
ლენინსა და მის ამხანაგებს დაბა-ღუბით სცვივოდა სრემლები და არა მარტო სრემლები.




და უკუიქცნენ ლენინი და ძმანი მისნი საჭურის-ქმნილნი და წარვი



და მივიდნენ მუნ, გარნა ბანოვანი ჰარამ ხანათა აუჯანყდნენ მათ, ნერწყვიდნენ მათ ფრიად, და სცემდნენ ცოცხებითა, და აგინებდნენ და ეტყოდნენ:


— ფუი თქვენდა, რამეოუ აწ არა ხართ არცა ვაენი, არცა ქალნი, არამედ უსქესონი და უქნარნი, საძულელნი ყოველთა და ყოვლისათვის!



და დასხდნენ საჭურისნი და ურვადნენ და სტიროდნენ მუნ.

— რაი არს ცხოვრება ჩვენი ამ ეამად, იტყოდა ლენინი და ცრემლები სცივოდა თვალთაგან: რაი-ღა ნაყოფი მოუციეს ჩვენდა მოგზაურობასა ოსმალეთსა შინა? ხოლო ერთი მათგანი, როქელი აგრეთვე საჭურის=ქმნილ იყო, ეტყოდა მას ნუგეშის ცეზად:

— დიდ არს ნაყოფი იგი, რომელი მოუციეს ჩვენდა მოგზაურობასა ამას, რამეთუ კვერცხი გაიფებულ არს მოსკოვსა სასიხარულოდ მაჰმადიან კომუნისტებისა.





შექანჯალებულის ლექსები

I.

ჰეი, ჰოი, დელი, დელო,
 მო, გადავკრათ სადღეგრძელო,
 და დამოუკიდებელი
 ვადღეგრძელოთ საქართველო.

დღეს დამოუკიდებელი
 მეც ვარ, ჩამოპართვით ხელი,
 ჩამეხვეით, მომილოცეთ,
 (თავის კოსრო დამიკოცნეთ)

შობა და ახალი წელი,
 ხაჭაპური და ლევძელი,
 რადგან ძვარობს ფქვილი, ყველი,
 წელს მე აღარ მიჭამია...

ჩემი ჭკუა თამამია...
 გამიხურდა თავის კეფა,
 ძველმა წელმა გადიყეფა,
 და ახალი გაამეფა.

პური თუ გაგვიიაფა,
 ესქამოთ მაშინ ქადა, ფაფა.

კაბებსაც კი შეგიკერავთ,
 მოდი, ღვინის ტიკს გავებრავ.

რას იცინი, კბილებს რას კრეჭ,
 თმებსაც კობტად შემოგაკრეჭ...

დღეს ჩემმა პარიკნახერმა,
 იმ ტუტუცმა, იმ ოხერმა,

მაკრატელი აწკაპ წკაპა,
 უღვაშები გამიკაფა.

II.

ვაი, დედავ, ვაი, ვაი!!!
 ვიცი, გამკყლეტს ეს ტრამვაი,
 ჰე, მომდევს ავტომობილი,
 გამიერთოს სურს ძვალ-რბილი,

რა ძვირია პურის ფქვილი...
 ვატყობ,—არ მჭირა კბილი,
 რა გავხრა, ან რა გავტყვირო...
 სჯობს, რო მტკვარში ჩავიძირო...

და იქ ლოქო დავიჭირო...
 ფეხსაცმელი მაქვს უძირო
 და სიცივემ გამაშეშა,
 მქონდეს ერთი ვირი შეშა,

ერთხელ ოთახს გავათობდი...
 ძილში, სადღაც ვჭეიფობდი,
 თითის ტარზე ძაფს ვართავდი,
 გადმოხვეწილ ქალს ვირთავდი.

III.

აბადლი, დელია, დელია!..
 ამ ზამთარში უბინობა ძნელია...

ათ ოთახში ცხოვრება ხომ ვრცელია,
 ათისათვის ერთ ოთახში ცხელია,
 „ლიშნი ხალხი“ აქ აურაცხელია.
 ჩემი ტვინი, ჰაუ, რა რიგ თხელია!!!
 გთხოვთ, გამიშვათ, არ მოჰკიდოთ ხელია,
 სანოვანის ყიდვა ნიხრზე ძნელია...
 თუ რომ არ ხარ შენ მილიცელია...
 დღეს ქანქარი მუქთად საშოვნელია
 თუ კი კაცი „ჩამაიმასმენელია“.
 აბა დელი, დელია, დელია...
 პატიოსნად ცხოვრება რა ძნელია, ძნელია.

IV.

სანოვანე ავკიდე,
 გადავზიდე, გადმოვზიდე—
 და ბათუმში სწრაფლ გავყიდე,
 ათასობით ავკარი „დონი“,

ნაცვლად არვინ მომცა ბონი,
 დამეკარგა ჭკუა-გონი,
 ვედარ ვზიდე დონის ფული,
 მაგრამ არ გამიძღა გული.

V.

ჩავალ ერთი მეც ბათუმში,
 თუ რომ არ მომცხეს ხართუმში,
 ქალაქი მსურს ჩავიბარო
 და პოგრომი დავაწყნარო...


თან ჩავიტან ქართულ ბონებს,
 გავაქარწყლებ უცებ „დონებს“,
 და სულყველა მომიგონებს...
 თან შეუპოვებ, გადვირევი,

დენიკინლებს დავერევი,
 და ავადენ ზურგზე ბოლსა,
 გავაცოლებ სწრაფლ სტამბოლსა...
 მაშ, მაშ! ვინ გგონივართ აბა?!

ღიაცა ვარ, მეცვას კაბა?!?
 ტუჩებს დაგწვავთ ცხელი ფაფა!..
 დავიხუროთ თავზე ტაფა...
 შაქარი და ქაშიშ—ბრინჯი...

როგორ უნდა ვიყო დინჯი,
 ჭკუა რომ მაქვს გასასინჯი...
 მხბრიკეთ ყურში, მაშ, სასინჯი,
 მომეხმარეთ, იწვის კეფა.
 თავში ძაღლმა დაიყეფა...

შექანჯალებული.



პატარა ფელეტონი.

დეკრეტების წიგნი.

დეკრეტი № 1.

ჭამისა ანუ ჭამის დეკრეტი.

განმარტებითი ბარათი.

მომხსენებელია სოლ. ზურგიელიძე.

ბ-ბო! ეს დეკრეტი ფრიად მნიშვნელოვანია თავის შინაარსით. ჭამა ისეთი ფაქტორია ადამიანის ცხოვრებაში, რომ მას ვერაფერი შეეღრება. სჭამს დიდი და პატარა, მოხუცი და ახალგაზდა, ქალი და კაცი, ნასწავლი და უსწავლელი, ფილოსოფოსი და სულელი, მინისტრი და უბრალო მოხელე, ბურჟუა და პროლეტარი, რევოლუციონერი და კონტრ-რევოლუციონერი. ჭამისათვის იბრძვის ყველა: ფრანგი, ინგლისელი, გერმანელი, რუსი, ჰოტენტოტი, ჩინელი და სხვა...

ერთი სიტყვით, რაღა გავაგრძელოთ ლაპარაკი, ჭამა ასე ვსთქვათ საჭიროა. მე დარწმუნებული ვარ რომ ეს დეკრეტი უკამათოთ და ერთხმად იქნება მიღებული ყველა პარტიების მიერ.

ტექსტი დეკრეტისა.

მუხლი I. რესპუბლიკის ყველა მოქალაქეს მიეცეს უფლება ჭამისა.

შენიშვნა: ჭამა უნდა სწარმოებდეს კანონიერების და სინიღის ფარგლებში.

მუხლი II. დეკრეტი ესე შედის ძალაში დღიდან ცხოვრების გათავისა.

დეკრეტი № 2.

სავალიუტო საქონლის გაცვლა-გამოცვლისა.

ტექსტი.

მუხლი I. გატანილ იქნეს საქართველოს რესპუბლიკიდან უცხოეთში ყველაფერი.

მუხლი II. შემოტანილ იქნეს უცხოეთიდან საქართველოში არაფერი.

მუხლი III. დეკრეტი ესე შედის ძალაში დღიდან სასურსათო სამინისტროს დაარსებისა.

დეკრეტი № 3.

საბჭოთა რუსეთის მიერ კომუნიზმის განხორციელებისა.

მუხლი I. განხორციელებულ იქნეს კომუნიზმი ბაშკირეთში, ავღანისტანში, ბელუჯისტანში და ჰოტენტოტეთში.

შენიშვნა: ისეთ კულტურულად ჩამორჩენილ ქვე-

ყნებში, როგორც არის ჩრდილო ამერიკა, ინგლის საფრანგეთი და სხვა... დროებით დატოვებულ იქნეს კერძო საკუთრების პრინციპი.

მუხლი II. პირველ მუხლში აღნიშნულ მიზნი განხორციელება მიენდოს კომუნიზმის ბელადებმენვერ-ფაშას, ნური-ფაშას, რიზა-ფაშას და სხვ. ფაშებს.

მუხლი III. დეკრეტი ესე შედის ძალაში დღიდან ბოლშევიკების გამაჰმადიანებისა.

დეკრეტი № 4.

დენიკინის მიერ ძველი რუსეთის აღდგენისა.

1 აღდგენილ იქნეს ძველ საზღვრებში გაერთიანებული დიდი რუსეთი.

2. პირველ მუხლში აღნიშნულ მიზნის განხორციელებლად ებრძანოს მოხალისეთა ჯარს უკან დახევა ვიდრე დასახვევი გზა ექმნება.

3. დეკრეტი ესე ძალაში შედის დღიდან ბაბუა ჩემის მკვდრეთით აღდგომისა.

დეკრეტი № 5

ცხოვრების გათავის თილისმის შექმნისა.

1. მოემატოს ყველას ჯამაგირები 40%-ით თანხმად სატარიფო პალატის დადგენილებისა.

2. მოემატოს ყველა საქონელს ფასი 4000%-ით თანხმად სპეკულიანტების აღვირ-წახსნილობისა.

3. დეკრეტი ესე შედის ძალაში ყოველ დღე-ღამე.

სავალდებულო დადგენილება,

„ეშმაკის მათრახის“ რედაქციამ თავის უკანასკნელ კრებაზე დაადგინა:

1) არ დაიბეჭდოს გრძელი და უშინაარსო წერილები.

2) არ დაიბეჭდოს ის წერილები, რომელთაც ავტორის სახელი და გვარი არ აწერია.

3) არ დაიბეჭდოს ისეთი წერილები, რომელშიაც დაუსაბუთებელი ლანძღვა რომელიმე პიროვნებისა ან დაწესებულებისა.

4) არ დაიბეჭდოს ისეთი წერილები, რომლებშიაც ეშმაკის მათრახის რედაქციის, ან რესპუბლიკის მთავრობის წევრთა ქება იქნება გამოყვანილი.

5) არ დაიბეჭდოს არც ერთი დეპეშა უკეთეს თანოეული მათგანი ათ სიტყვას აღემატება.

შემოაღნიშნული დადგენილება ძალაში შედის ამა წლის თებერვლის პირველიდან.

ეშმაკი და თავუნა.



გაგონილა, ხალხნო, ამდენი პრაზნიკები?!

გაგონილა, ხალხნო, ამდენი პრაზნიკები, ამდენი პაჟურტვანია!! გაიფხვკა ჯიბეები, ქრისტიანო, ფოდ ჩკა ვა!.. წამ და უწუმ მომადგებიან ბარიშნები, მოპაკრამენ რგვალ-რგვალ ქალაღდის ნაჭრეებს გრუღზე, თითქოს მოსკოვწყი აკადემია დამესრულეზინოს, გაშიყრიან ქინძისთავს და გინდა თუ არა ფულიო! არ მივცე, უარი როგორ უთხრა ამ გოგოებს, მივცე და ჩემი დამემართა!.. მაინც და რანირათ ვაშხირდა, კაცო, ეს პრაზნიკები! ეს გვარდიის დღეო, ეს ფრონტის დღეო, ეს სტუდენტებისაო, ეს არტისტებისაო!.. ყველა თითო დღეს და თითო ჩესლოს ირჩევს და სობსტვენი პრაზნიკს აცხადებს! ვა, ვა, ვა, როგორ ამბარცუმას ქელეხის ლავაშებივით დაირიგვს ეს დღეები!

კაცო, ყველა ამქარმა, ყველა ხელოსანმა რომ თითო დღე პრაზნიკათ გამოიცხადოს, ხალხნო, სად ეყოფათ ეს დღეები, ვის რა ჩამოხვდება?! ვა, ამ ხალხის პასტუპკას რომ უყურებ გამოვტვინდი რაღა? ჯერ ისეც ბატისტინა ვიყავი და ესხლა ხომ სულ გამოვლაცდი კაცი!

კარგი, თუ გინდა ეს გვარდიის დღე იყოს პრაზნიკი, რაც უნდა იყოს... ჩვენი ზიკებია შიგა: არტემა, პინასა, ბაგრატა, არშაკა, კირაკოზა, მარტირუზა, პოდოსა, სედვაკა, გეჯრქა, კაკული, მიკინა... ნუ, ალალი იყოს იმათზე ლარბი ხალხია ეს ფრონტის დღეო... ნუ, ესეც იმ ბიჭებისა დმერთმა შარგოთ ამ პრაზნიკში აღებული ფული. ეს სტუდენტების დღეო, სიტყვაზე... არც ესაა ურიგო, ნასწავლი ხალხი არიან და ქვეს გვასწავლიან. ეს ყველა, ყველა, მაგრამ ეს არტისტების დღეო რომ იძახიან, ის კი არ ვიცო რაშია სექმე, იმათ რალა პრაზნიკი უნდათ პრამა ნი პანიშია რაღა! განა წელიწადი თორმეტი თვე სულ პრაზნიკი არა აქვთ არტისტები?! მე შენ გითხრა ხნავენ, სთესავენ, ვაჭრობენ, მუშაობენ, ან სლუჟებში არიან სადმე! მთელი წელიწადი მუქათა დადიან, ღრეჭისა და სხვისი დაცინვის მეტს არას აკეთებენ და კიდევ იმათ სობსტვენი არტისტისეკი დღეს უმართავენ?!.. არ ვი ი არ ვიცი!.. მეორეთ მოსვლაა, ანტექრისტობაა, აღამახმადხანობაა, აჯაბსანდალია, თუ დომხალი?! იძახიან: „პური არ არისო!“... რაზუმეცა არ იქნება, თუ მთელი წელიწადი პრაზნიკებად გამოვაცხადეთ და ხელი არ გავაქნიეთ.

რაკი ერთი გაიგვს, ვინ ოხერი იქნება რომ არ გაიმართოს ეს დახოდნი პრაზნიკი და ფულის კრუშკები მელის ხაფანგივით არ დააგოს ყველა პერეულკებში. ესხლა უყურე რომ დაიწყება: ეს ცირულნიკების დღეო, ეს პარიკმახერებისაო, ეს ხარაზისაო, ეს ბრილენჩიკისაო, თოქმაჩისაო, მება-

შისაო, თულუხჩისაო, მიკიტნისაო, მექისისაო... არა, დთვის წინაშე მექისეებს კი ეკუთნის ეს ფულიანი პრაზნიკი, თუ რიგინათ დაუზილავენ გვერდებს ამ ახალ მოდის პრაზნიკების მომგონს.

ესხლა ნახეთ ამ საპრაზნიკო დღეების ოჩერეზზე რა ბაგი-ბუგი და ახთუხმა გაიმართება! რაზუმეცა გაიმართება. ვინ ოხერი იქნება რომ ამისთანა დახოდნი სტატია ხელიდან გაუშვას! მე შენ გითხრა ოფლის დადგრა არ დაგვირდეს აი! შენ დაჯექ არხინად და ეს ბარიშნები რომ დაიკიდებენ წინ წითელ ლენტთან კრუშკებს და მოედებიან აღმაღალმა მომეტალნათ გაუსუფთაებენ ჯიბეებს ვისაც კი დაეტაკებიან და ფულით გატენილ კრუშკებს სულ ზაგრანჩინი რეჩებით ჩაგაბარებენ!

კარგია მეც რომ მომიწევდეს ასეთი პრაზნიკის ოჩერეზი, მაგრამ მე ვინ მამაშავებს ამისთანა ილბალს! მე მჭადისა და ლობიოს ქამისაგან ღრძილები მარტირუზას კოკლი ვირის ზურგითა მაქვს გადატყავებული და ამისთანა დროს მომადგებიან კრუშკებთ ეს ძეხვივით გატენილი ბარიშნები და გინდა თუ არა: „ჩააგდეო!“

ვა, ხალხნო, სამი დღეა არაფერი მიქამია, ჯიბეში თავგები ნაურსკის თამაშობენ და მშიერმა კაცმა რა ჩაუგდო, მაგრამ შენ გაჭირებას ვინ უყურებს! რომ შამოგესევიან ეს კუდრაკები, დაგიწყებენ კუდის ქანაობას და გეხვებებიან: „ჩააგდეო!“ მოდი და ნუ ჩაუგდებ თუ ბიჭი ხარ და ქუდი გხურავს! ვა, ვა, ვა! გავტყავდი, ხალხნო, იწამეთ დმერთი, შამიზრალეთ! იქ თელეთში ჩვენი ტერგეურქას განძანაკს*) ვერ დავგმაღე და აქ ამ ქალების კრუშკებს!... ეს... მახლას!...

გოგია.

ემში-მეშნი.

(ხალხური ლექსი)

ვაჭრებისა ეშნი-მეშნი
დავთარი და ჩოთქი ხელში;
ხარაზების ეშნი მეშნი
სადგისი და ნემსი ხელში;
ბრიკაცის ეშნი-მეშნი
ჩიბუხი და ფოცხი ხელში;
დვდაბერის ეშნი-მეშნი
საცერი და გობი ხელში;
„ბარიშნების“ ეშნი-მეშნი
გიტარა და ლექსი ხელში;
სტუდენტების ეშნი-მეშნი
ქორორი და ტროსტი ხელში.

გ. ლ. მონა

*) განძანაკს ეძახიან სომხები: ყულაბას, ან თეფშს, რომელსაც ხმარობენ ფულის მრ

დევნებები

“მედიკის მათრახის”

მეთორმეტე ნომრიდან დაიწება ბე-
ჭდვა რუსეთის ცნობილ ჰოტის ბალ-
მონტის ახალი ჰოტისა

„მასკარადული ავადის ტყავისა“

ჰოტმა ითარგმნება ცნობილი ქართუ-
ლი ჰოტის მიერ სპეციალურად „ეშ-
მაკის მათრახისთვის“

ეფროსინეს გათხოვება.

ბირდაპირ გადამერია ჩემი ეფროსინე!

— გინდა თუ არა კამისარს უნდა წავყვეო.

გოუწყერი: მაგის ლაპარაკს რაღა მიბედავ მეთ-
ქი, მარა არ გაგიწყრეს ღმერთი, არ დამიჯერა,
ამიხირდა.

— კაი ბიჭია, ის რომ კაი არ იყოს, ნიკო-
ლოზი პრაპორჩიკოზას არ მიცემდა და ახალთაობა
კამი'რათ არ დააყენებდაო.

მეც დაუჯერე, ავდიქი და ქე მივათხოვე ჩემი
მარწყვივით გოგო. ვაი რაღა არ დიქცა ის ღლე-
ხუთი ათასი სულ ჟორდანია — გეგვიკორის ფულე-
ბი დოუთვალე. ახლა ბარგს არ ტყვი: ექვსი ბა-
ლიში, ლეგები, საბნები, მუთაქები... ვფიქრობდი:
მევისვენე ახლა მეთქი. მარა არ გაგწყრეს ღმერ-
თი. თურქე ის ჩემი პატიოსანი სიძე ვილაც ჩემი
ცოდვით სავსის ქრთამების აღებაში დოუქრია.
დააბეზლეს ერობაში. შეიქნა გამოძიება. დაკითხვა
და ქე გამოუძახეს გარეთ. იქით ვეცი, აქეთ ვეცი,
ხან ფულით, ხან ხაჯით, მარა არ იქნა არაფერი
შველა, ქე აკარის თავი ვირს აბანოში. დამრჩა
აი ჩემი ეფროსინე ყურებ ჩამოყრილი.

ასე იცის თურქე კამისრების აყოლა.

სიმონიკა.

*
* *

ამხანაგი ლადო მოკრძალებით შევიდა სამინის-
ტროს გრძელ დერეფანში.

— ამხანაგო, თუ შეიძლება მიმასწავლე, რო-
მელ ოთახში ვნახავ კანცელარიის დირექტორს.

მიმართა მან ერთ მონტელიგენტო მოხელეს.

— უკაცრავად... მე არაფერი თქვენი ამხანაგი
არა ვარ!

მკვახეთ მიუგო მოხელემ.

— რატომაც არა, ჩემო კარგო, ბავშვობისას
მაინც შექნება ერთი ნაჭერი შაქარი მოპარული.

უპასუხა ლადომ ცხვირ აწეულ მოხელეს და
მეორისაკენ გასწია.

დაბა აბაშა. აბაშის სადგურის უკან და აგრე-
თვე ფოსტის ახლო აღმოაჩინეს ტალახის აბანოები.
ექიმების აზრით აბანო რადიკალურათ ჰკურნავს
ყოველგვარი სენისაგან და ყველასათვის ხელმისა-
წვდომიც არის, ვინაიდან თვით სადგურს აკრავს
უკანა კარებზე. საქირთა ამ განძს ყურადღება მიაქ-
ციოს ვისგანაც ეს ჯერ არს.

ლენცოფა.

ორი მეტოქე

(მოთხრობა ამერიკული. ავტორი იტალიელი. მთარგმნელი
ქართველი.)

(გაგრძელება).

მეორე საღამოს ხის ქვეშ მწვანე მოღზე გაი-
მართა დიდებული ქეიფი. ადამიანმა და მიიმუნმა
შესაფერი პატივი სცეს სხვა და სხვა კონსერვების
კოლოფებს.

მეცნიერის გეგმა იყო სულ უბრალო: უნდა
დაეთრო მიიმუნი, შეეთრია კარავში და ჩაეკეტა.
მაგრამ მიიმუნი უფრო ეშმაკი გამოდგა: ის მოუხვდა
მეცნიერს და მხოლოდ მაშინ სკამდა და სვამდა,
როცა ამის მაგალითს მეცნიერი უჩვენებდა. ასე,
რომ მეცნიერი იძულებული შეიქნა ზედი-ზედ
ეცალა სავსე ტექები და ბოლოს ადამიანი და მაი-
მუნი ორივე ერთნაირად დათვრიან. ერთნაინთს ჩა-
ხვიულნი ისინი გორაობდნ მდელოზე, რაპაზონი
საშინელი ბლავილით იოხებდა თავის ნაღველს მე-
გობრის ბალნიან მკერდს მიხუტებული და მიიმუნი
კი, ნიშნად თან-გრძობისა, რალაცას ბუტბუტებდა.

რაპაზონს ძილი მოუხდა და თავ-სი მეგობარიც
თან წაიყვანა კარავში, თუმცა არაფითარი მალული
განზრახვა მას ამ დროს არ ჰქონია, რადგანაც მისი
ექსპედიციის მიზანი უკვე ღვინოში იყო ჩაძირული.
სანამ დაიძინებდა, რაპაზონმა ცოტა იღრრა და ამ
დროს შენიშნა, რომ მიიმუნი ბანს აყოლებდა მის
სიმღერას, მაგრამ ამ უცნაურ მოვლენას არ შეუ-
ჩერებდა მისი ყურადღება, ვინაიდან მთვრალს ყვე-
ლაფერი ბუნებრივად ეჩვენება.

დილით, როცა გამოეღვიძა, რაპაზონი დიდხანს
ვერ მოვიდა გონს და ვერ მოისაზრა თუ სად იმყო-
ფებოდა. მხოლოდ მაშინ დაუბრუნდა სინამდვილეს
როცა შენიშნა ხის ქვეშ ნასუფრალი. უცებ მოა-
გონდა გუშინდელი მისი გეგმა მიიმუნის შეპყრო-
ბისა და ამისათვის მომზადებულ ხაფანგს მიაპყრო
იმედიანი თვალეები, მაგრამ მიიმუნი იქ აღარ იყო.

ცხადია გეგმა ვერ იქნა შესრულებული და გუ-
შინდელი მაგალითის მიხედვით არც შემდეგში იყო



მოსალოდნელი მისი სისრულეში მოყვანა, პირიქით შესაძლებელი იყო ასეთ ტაქტიკას მოყოლოდა მეცნიერის პირადი ღირსების სამუდამოდ დაკარგვა.

როცა ასეთ დასკვნამდის მივიდა მეცნიერი, მან ახალი გეგმის შემუშავებას მიჰყო ხელი და ბოლოს გადასწყვიტა მაიმუნისათვის მომარაგებულ ღვინოში რაიმე ნარკოტიული წამალი გაერია.

მან მოაზრდა ორი ღვინის ერთნაირი ბოთლი და ერთში ძილის მომგვრელი ფხვნილი ჩაყარა, შემდეგ დანიშნა მოწამლოლი ბოთლის დასაცავი და დაუწყო ლოდინი საღამოს.

მაიმუნი ჩვეულებებისამებრ მოვიდა თავის დროზე და ამ ჟამად მეტის ნდობით მიუახლოვდა რაპაზონს. მეცნიერმა ყველაფერი დაამზადა გახშმისათვის და ერთის წუთით ჭიქების მოსატანად წავიდა მეორე კარავში. როცა დაბრუნდა მაიმუნი კონსერვების კოლოფებს ხსნიდა დიდის ხალისით. ერთობოდა, რომ გუშინ შენიშნა თუ როგორ იხსნიბოდა კოლოფი, და ახლა დიდის გააკაცებით ასრულიდა ამ საქმეს. რაპაზონმა მაიმუნს დაუდგა წინ დანიშნული ბოთლი, მეორე თითონ დაიდგა. დაიწყეს ვახშობა. რომ ეჩვენებინა მაიმუნისათვის მაგალითი, რაპაზონმა ააგო თავისი ჭიქა და დალია. მაიმუნმა მაშინვე შეასრულა თავისი რიგი.

რაპაზონს ტუჩებზე კმაყოფილების ღიმილი აუთამაშდა, მაგრამ მაშინვე ხელიდან გაუვარდა ჩანგალი და გრძობა დაჰკარგა...

როცა გამოგრაკა—საშენელი სურათი დაინახა: თითონ იჯრა ხაფანგში, რომელიც მაიმუნის შესაპრობად ჰქონდა მომზადებული და მაიმუნი კი წამოწოლილიყო დივანზე მეცნიერის კარავში და სიამოვნებით აბოღებდა მისს ჩიბუხს.

მეცნიერის პირველ განძრევისათანავე მაიმუნმა პირი იბრუნა მისკენ და მეგობრულად დაუქნია ხელი.

მეცნიერს ტანში სიხარულის ჟრუანტელმა დაუარა: სულ ერთი არ არის რომელ ხაფანგში მოიმწყვდევის მაიმუნს?

მაგრამ, ვაი ამ საათს! როცა მეცნიერმა მოინდომა ხაფანგიდან გასვლა, დარწმუნდა, რომ ის ჩაკეტილია შიგ და იქიდან გამოსვლის იმედი ხომ არ შეიძლება ჰქონდეს, ვინაიდან მაიმუნი ვერც მას გაუღიბს ხაფანგის კარს და ვერც თითონ გაითავისუფლებს თავს. ხაფანგის რთულ მექანიზმის რა იცის მაიმუნმა, რომელმაც, ალბად, შემთხვევით ან უცაბედათ ჩაჰკეტა მეცნიერაც და თავისი თავიც.

ამასთანვე მეცნიერმა შენიშნა, რომ საწოლის უმეტესი ნაწილი იმ კარავშია, სადაც ახლა მაიმუნია და მას კი მხოლოდ რამდენიმე კოლოფი შერჩა, მაიმუნის შესატყუებლად რომ ჰქონდა ხაფანგში მოთავსებული: როცა ამას შესქამს—მეცნიერს სიმშლით სიკვდილი მოელის.

მართლაც, პირველ დღეს რაპაზონმა ისადილა

და ივანშმა, თუმცა ძალიან ღარიბულად, მაგრამ ორი დღის განმავლობაში მან გაიზიარა ტანტალის ბელი: მისს კარავში საქმელი არაფერი იყო და იქვე ახლო მაიმუნი პირდაპირ განცხრომაში იყო, მიირთმევდა ნაირ-ნაირს და მშვენიერ ღვინოსაც აყოლებდა ზედ.

საბრალო მეცნიერმა სცადა სიბრალულის გრძობა გამოეწვია მაიმუნში, მაგრამ ამაოდ. და კიდევ რომ მოესურვებინა მაიმუნს, მაინც ვერაფერს უშველიდა მეცნიერს, რადგანაც მას არ შეეძლო არც გაღება და არც დაკეტა თავისი სადგომის.

პატიმრობის შესამე დღეს. რაპაზონი ფრიად სამწუხარო მდგომარეობაში იყო სიმშლითაგან არაქათ-გამოლეული, ღონე-მიხდილი იწვა ის თავის კარავში და საბრალოდ კენესოდა. მაიმუნმაც მიაქცია ბოლოს ყურადღება თავის უბედურ მეგობარს და შეეცადა კარის გაღებას, მაგრამ ვერ მოახერხა.

საღამოს რაპაზონს გიჟური ბოღვა დააწყებინა. თვალბ-გამობურთული შეშლილივით ეძგერებოდა ხაფანგის რკინის მოაჯირს გასაძტვრევად, ტბროდა, თმებს იგლეჯდა და ბლაოდა გიჟივით.

მაიმუნიც, ეტყობოდა, სწუხდა. ჯერ თავისი მეგობრის წაბადებით, ისიც სცდილობდა კარავის რკინის კედლის გამტვრივას, მაგრამ როცა ეს ვერ მოახერხა, დიდის ყურადღებით შეოღდა რკინის საღრეთა შინჯვას, თითქოს სცდილობს გამოარკვიოს, როგორ გაიღება კარი. რაპაზონი მოუთმენლად ადივინბდა თვალს მაიმუნის მოშაოზას და როცა დარწმუნდა, რომ ის მიხვდა მექანიზმის საიდუმლოებას, სრულიად ინსტიქტიურად შეჰყვირაა

— მოაბრუნე პირველი რკინა სამჯერ მარცხნივ და ასწიე ზევით!

პირდაპირ სასწაული მოხდა! მაიმუნმა მაშინვე შეასრულა ბრძანება, გაალო კარავი და ეცა რაპაზონის კარავს, გასწია დიორი და გრძობა დაკარგული მეგობარი მკერდს ჩაიკრა.

როცა რაპაზონი გონს მოვიდა, ის უკვე გადაეყვანა მაიმუნს კარავში და ექიმზე არა უარესად უვლიდა მას.

ხანგრძლივ მარხვისა და სულიერ ტანჯვისაგან დაუძლიურებული რაპაზონი იწვა გაუნძრევლად და უყურებდა თუ როგორ ჯარასავით ტრიალებდა მაიმუნი და სპირტის ლამპაზე ხარშავდა ბულიონის კონსერვს, რომელსაც მეცნიერის ძალღონე უნდა აღედგინა.

(დასასრულ იქნება)



„ქიმიკი“



ლაქია. უკაცრავად, ბატონო, მაგრამ სუფრას ქვეშ ჯღოპა არ შეიძლება... დაბრძანდით სკამებზე, თუ შეიძლებოდა.

სტუმრები. გიჟი ხო არა ხარ, ჩემო ძმაო! ჯერ სიცოცხლე არ მოგვძულებია... ერთი ცენახოთ, იკვლევებ რომ რაღაც არის, გვერდით მოგვისხდენ... არა ძმაო, აქ უფრო გულდამშვიდებით გაიხლეჩებით ამ ორ ლუკმას.

ფოტო.

(საინფორმაციო განყოფილება).

ცუტას. თქვენი გატაცება „აბესალომ და ეთერის“ სიყვარულით ჩვენთვის გასაგებია, მაგრამ ჩვენ მაინც არ გვესმის რა შუაშია აქ კოოპერატივი. რამდენათაც ვაყვით აბესალომ კოოპერატივის პასუხისმგებელ ნოქრათ არასოდეს არ ყოფილა.

მგოსანს ვარდისპირელს. გეთანხმებით, რომ მაგრამ ერთი რუსუ-

ლი ჟურნალის თქმისა არ იყოს განსხვავებაც დიდი. ავთომყოფს მალიარია ჯერ შეაცივებს და მერე შეახურებს; სიყვარული კი პირიქით, ჯერ მაგარ სიცხეს მისცემს, ხოლო მერე შეაცივებს.

ლამაზ ქვრივს. ჩვენ პასუხისმგებლობას ვერ ვიკისრებთ. ბევრი რამეა დამოკიდებული როგორც შემთხვევებზე, ისე გემოვნებაზედაც. თქვენი წერილის საიდუმლოება დაცულია; შინაარსი რომ არ გაიგონ, აღარ ვბეჭდავთ, თუმცა დაბეჭდვის შემდეგაც ვერავინ ვერაფერს გაიგებდა.